



REPUBLIKA E KOSOVËS  
REPUBLIKA KOSOVA – REPUBLIC OF KOSOVO  
GJYKATA SUPREME E KOSOVËS  
VRHOVNI SUD KOSOVA – SUPREME COURT OF KOSOVO

Numri i lëndës: 2023:021818  
Datë: 14.11.2024  
Numri i dokumentit: 06450328

**C-IV-14-6922**

*Parashtruesi i kërkesës*

**Q A** nga fshati G, Komuna e Vitisë

*kundër*

*Pala kundërshtare*

**Agjencioni Kosovar i Privatizimit- AKP (NSH - NBI “Agromorava” në likuidim), Rr. “Dritan Hoxha” nr. 55, Lakrishte, Prishtinë.**

Dhoma e Posaçme e Gjykatës Supreme të Kosovës për çështjet në lidhje me Agjencinë Kosovare të Privatizimit (DHPGJS), sipas gjyqtarit Gazmend Sylaj, me 14 nëntor 2024 lëshon këtë:

**A K T V E N D I M**

- Ankesa e ankuesit konsiderohet e tërhequr.**
- Secila palë i bartë shpenzimet e veta.**

**Rrethanat faktike dhe procedurale**

Me 3 nëntor 2014, pranë DHPGJS, ankuesi parashtror një kërkesë për rishikimin e Vendimit (në tekstin e mëtutjeshëm Vendimi) GJI035-0132 datë 8 tetor 2014, lëshuar nga ana e Autoritetit të Likuidimit të AKP ( në tekstin e mëtutjeshëm AL) me anë të cilit, është refuzuar kërkesa e ankuesit mbi kompensimin e pagave të papaguara, për periudhën nga data 25 shtator 1991 e gjer në muajin qershor 1999, në shumë të paspecifikuar, ndaj NSH – NBI “Agromorava” ( në likuidim).

Ankuesi me anë të kërkesës për rishikim kërkoj kompensimin në shumë prej 26,400.00 (dy gjashtë katër zero zero) Euro.

Kërkesës për rishikim i janë bashkangjitur:

- Kopja e procesverbalit nga seanca gjyqësore, e mbajtur pranë Gjykatës Komunale në Viti me 19 shkurt 2007,

- Kopja e Vendimit të AL,
- Kopja e padisë për Gjykatën Komunale në Viti, e dorëzuar me 6 dhjetor 2006,
- Kopja e Aktvendimit të Gjykatës Komunale në Viti, datë 28 tetor 2011,
- Kopja e Ankesës e parashtruar kundër vendimit si më lartë,
- Kopja e Vendimit, datë 24 shtator 1991, mbi ndërprerjen e marrëdhënies së punës,
- Kopja e Aktvendimit të Gjykatës së Qarkut në Gjilan, datë 1 mars 2012,
- Kopja e raportit policor- konfirmimit, datë 19 prill 2011,
- Kopja e një procesverballi të dorë-shkruar, datë 15 prill 2011, dhe
- Kopja e një faqe të gazetës ditore.

Me 11 korrik 2024, gjykata lëshoj një vërejtje për ankuesin mbi pagesën e taksës gjyqësore. Me të njëjtën vërejtje ankuesi u informua se nëse taksat nuk paguhen brenda periudhës së caktuar prej 15 ditësh, ankesa do të konsiderohet e tërhequr.

Vërejtja e lartë cekur, i është dorëzuar ankuesit me 24 korrik 2014.

Gjer me datën e lëshimit të këtij vendimi ankuesi nuk ka paguar taksat gjyqësore.

### **Arsyetimi ligjor**

Ankesa konsiderohet e tërhequr.

Neni 76.3 i Ligjit Nr.06-L-086 për DHPGJS parasheh: *Në interpretimin dhe zbatimin e këtij ligji, kudo që është e nevojshme për të zgjidhur një çështje procedurale që nuk trajtohet mjaftueshëm me këtë ligj, Dhoma e Posaçme do të zbatojë mutatis mutandis dispozita përkatëse të Ligjit mbi Procedurën Kontestimore.*

Ankuesi konform dispozitës së nenit 253.4 të LPK-së ka për detyrë që ankesës t'ia bashkëngjis vërtetimin mbi taksën gjyqësore të paguar.

Ne vazhdim dispozita 253.5 parasheh: *Në qoftë se paditësi nuk e paguan taksën gjyqësore të përcaktuar për padinë as pas vërejtjes së dërguar nga gjykata, edhe pse nuk ekzistojnë konditat për lirim nga detyrimi i pagimit të taksës gjyqësore, do të konsiderohet se padia është tërhequr.*

Me 11 korrik 2024, gjykata përmes vërejtjes kërkoj nga ankuesi që të bëj pagesën e taksës gjyqësore, duke e njoftuar se ankesa e tij do të konsiderohet e tërhequr nëse ai nuk e paguan taksën gjyqësore.

Ankuesit i është lejuar afati prej 15 ditësh që ta bëjë pagesën e taksës gjyqësore. Sipas vlerësimit të gjykatës, ky është një afat i mjaftueshëm kohor.

Ankuesi ka për obligim ti paguaj taksat gjyqësore. Taksat gjyqësore aplikohen sipas nenit 63 të Ligjit të DHPGJS në lidhje me udhëzimin e KGJK-së nr. 01/2017, lidhur me taksat gjyqësore.

Nga kjo gjykata konsideron se ankuesi nuk ka interes për çështjen juridike të tij dhe se në rastin konkret sipas dispozitave ligjore ankesa konsiderohet e tërhequr.

Gjykata nga gjitha arsyet e lartë cekura nuk hyri në shqyrtim të çështjes, në merita të saj.

Andaj u vendos si në dispozitiv.

### **Taksat gjyqësore**

Në bazë të nenit 62 të Ligjit për DHPGJS, secila palë do ti mbulojë shpenzimet e veta.

Andaj u vendos si në dispozitiv.

### **Këshilla juridike**

Kundër këtij aktvendimi mund të parashtrohet ankesë me shkrim në Kolegjin e Apelit të DHPGJS brenda 15 ditëve nga pranimi i këtij aktgjykimi. Ankesa duhet të dorëzohet në bazë të nenit 9.6 të Ligjit për DHPGJS.

---

Gazmend Sylaj, Gjyqtar